



Inatsisartunut ilaasortaq
Anthon Frederiksen
Parti Naleraq

Ilinniartut sungiusarlutik sulinerminni ilinniagaqarnersiutaannut tungasunik § 37
naapertorlugu apeqqummut nr. 244-mut akissutit.

Asasara Anthon Frederiksen

Ilinniartut sungiusarlutik sulinerminni ilaannakortumik
ilinniagaqarnersiuteqarsinnaanerannut tunngasunik apeqquinnut qujanarsuaq.

19-10-2015
Sagsnr. 2015-11829
Dok. nr. 1273629

Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

Aperivutit

1. Ilinniarnersiutit ilai sooq praktikkerup nalaani ilinniartunut tunniunneqarsinnaangillat?
2. Qaqugukkut ilinniartunut ilinniarnersiutit tunniunneqartarpat aamma qaqugukkut ilinniartunut praktikkerup akissarsiat tunniunneqartarpat ? (uddannelsesstøtte aamma praktikløn).
3. Ilinniakkani sorlarni ilinniarnersiutit aamma praktikkerup akissarsiat tunniunneqartarpat, qanorlu tamakku piffissalersorneqarpat ? aamma najoqutassat suut malillugit ?

Akissut

Ajornartorsiat taaneqartoq taamaallaat inunnt ilinniakkani qiortartakkanik atuiffiusuni ilinniartunut atuuttuvoq. Ilinniakkat qiortartakkamik atuiffiunngitsut ilinniagaqarnersiutit pillugit **Naminersorlutik Oqartussat nalunaarutaanni nr. 5, 27. marts 2015-imeersup § 28-ani** ima allassimasumi aalajangersaavigineqarput:

” § 28. Ilinniakkanut qiortartakkanut ilaangitsunut aningaasat ilinniarnermi tunniunneqartartut meeqqanullu tapisiat qaammatikkaartumik naatsorsorneqartarput. Ilinniagaqarnerup aallartinnerani, naammassinnerani, unitsinnerani aamma unitsikkallarnernani aningaasat ilinniarnermi tunniunneqartartut meeqqanullu tapisiat ullormut ilinniarfigisamat naatsorsorneqartarput. Ullormik aallartiffimmik naatsorsuinnermi pisariaqartitanik piffissat angalaffiit najugaqarfiillu ilanngunneqarsinnaapput. Ilinniarfiup sungiusaammillu suliffiup akornanni paarlaassinermi atuarfimmiiinnermi ullut ilinniartitsiffiusut ataasiakkaarlugit aningaasat ilinniarnermi tunniunneqartartut naatsorsorneqartarput.

Imm. 2. Tamatumunnga qinnuteqaatip tiganerani ullormit aallartittumit aningaasat ilinniarnermi tunniunneqartartut meeqqanullu tapit tunniunneqartarput. Meeraq tapisiaqarfiup nalaani inunngorpat meeqqanut tapisiat piffissamit inunngorfiusumit tunniunneqassapput ilinniagaqartoq meeqqanut tapisiat pillugit qinnuteqaammik

piffissamit inunngorfiusumit qaammatit marluk qaangiutinnginnerini nassitsisimappat. Imm. 3. Aningaasat ilinniarnermi tunniunneqartartut meeqqanullu tapisiat qaammatikkaartumik kingumoortumik tunniunneqartarput, qaammammiillu qinnuteqaatip tiguneqarfianit siusinnerpaamik aallartissinnaallutik, aammalu nalunaarummi ilinniagaqarnersiuteqarnissamut piumasaqaatinik ilinniagaqartup eqquutsitsinera apeqqutaatinneqarluni.

Imm. 4. Ilinniagaqartup piffissamit ilinniagaqarunnaarfigisaanit taamaalillunilu ilinniagaqarnersiutinik pisinnaatitaaffeerunnerani aningaasat ilinniarnermi tunniunneqartartut meeqqanullu tapisiat tunniunneqarunnaassapput. Ilinniagaqartup piffissami ilinniagaqaqqilerfianit akiliisarneq aallarteqqinneqassaaq.

Imm. 5. Ilinniagaqartup takkutinngitsoornerata malitsigisaanik aningaasat ilinniarnermi tunniunneqartartut aamma meeqqanut tapisiat annertussusaannik annikillisaasoqarsinnaanngilaq, takujulli § 30.”

Aalajangersakkap immikkoortua siulleq malillugu ilinniarnerep aallartinnerani, naammassinerani unitsikkallarneranilu tapiissutit meeqqanullu tapit ullormut ilinniarfiusumut naatsorsorneqartarput.

Ilinniakkat sungiusarluni sulinertaqartut qiortartakkamut ilaanngitsut tamarmik inuussutissarsiutinut ilinniarnerepput, **inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersumi** aalajangersarneqartut. Tassani § 46-mi naqissuserneqarpoq sulinermik sungiusarfiup/atuarfiup atuartullu akornanni lærlingitut imaluunniit ilinniartinneqarnissamik isumaqatigiissuteqartoqarsimassasoq.

”§ 46. Tunngaviusumik inuutissarsiummik ilinniagaq naammassineqassappat piumasaavoq, ilinniartup aamma suliffeqarfiup ataatsip amerlanerilluunniit akornanni lærlingitut imaluunniit ilinniartinneqarnissamik isumaqatigiissuteqartoqarsimanissaa. Isumaqatigiissummut ilaassapput ilinniakkami sungiusarluni sulinissat ilinniarfimiittarnissallu tamarmik, tassunga ilanngullugit svendinngussalluni misilitsinnerujunnarnerit.

Imm. 2. Suliffeqarfiit arlallit isumaqatigiissummut peqataappata, isumaqatigiissummi ersissaaq, ilinniarfimiinnerit sungiusarlunilu sulinerit suut suliffeqarfiit ataasiakkaat peqataaffiginerat.

Imm. 3. Isumaqatigiinnermi suliffeqarfik imminut pisussaaffilersinnaavoq, ilinniartup ilinniarnerrata ilaa suliffeqarfimmi allami ingerlatsikkumallugu.

Imm. 4. Inuutissarsiutinik ilinniartitsinerit Naalakkersuisunit akuerisaasut, lærlingitut ilinniartinneqarnissamilluunniit isumaqatigiissuteqarnissamik piumasaqaateqarfiunngitsut aamma atuaatigaluni sungiusarluni sulineq, imm. 1-3-mi ilaatinneqanngillat.”

Inatsisartulli inatsisaata taassuma tak. § 50-iani aalajangiisoqarsinnaavoq ilinniarnermi sungiusaatit sulinermi akissarsiat imaluunniit ilinniartuunersiutit pisartagarineqassanersut.

”§ 50. Inuutissarsiummik ilinniartoq isumaqatigiissutit atuuttut naapertorlugit akissarsiaqarsinnaatitaavoq, ilinniartuunersiallu pillugit Inatsisartut peqqussutaat naapertorlugu immikkut tapisiaqarsinnaatitaalluni. Sungiusarluni suliffik ataatsimoorluni isumaqatigiissusiorsimanermut ilaanngippat, ilinniartoq minnerpaamik pisortatigoortumik

sulisitsisumi isumaqatigiissuteqarsimanermut ilaasumi ilinniartutut, akissarsiamigut atorfininnermigullu atugassaqartinneqassaaq.

Imm. 2. Naalackersuisut aalajangersinnaavaat, tassungalu ilaatillugu malittarisassiorsinnaallugu, ilinniartup inuutissarsiummik ilinniarnini tamaat ilaaluunniit, akissarsiaqarnermut paarlaallugu ilinniartuunersiaqaatigissagaa.”

Erseqqissaatigineqassaaq ilinniakkat uku kisimik - tamarmik ilinniarsimasut qaffasissuseqartuusut - ilinniarneq naallugu ilinniagaqarnerisuteqartinneqarmata: Isumaginninnermi ikiortit, peqqinnissamut ikiortit aamma qalulerisut.

1 pillugu

Apeqqutigineqarpoq atuartunut sungiusarlutik sulisunut ilinniagaqartuunersiutip ilaa tunniunneqartarsinnaannginnersoq. Ilinniakkani qiortartakkamik atuiffiusuni, qiorsinerit qaammatikkaartut naatsersuinnermi atorineqartarput, tak. **ilinniagaqarnerisutit pillugit Namminersorlutik Oqartussat nalunaarutaat nr. 5, 27. marts 2015-imeersumi § 29.** Tassani ima allassimasoqarpoq:

“§ 29. Ilinniakkanut qiortartakkamut ilaasunut qaammatit ilivitsukkaarlugit qiortartakkat naatsorsorneqartarput.

Imm. 2. Ilinniagaqartoq ilinniarnermi aallartinnerani ilinniagaqartuunerullu nalaani qiortartakkanik pisinnaatinneqassaaq ilinniagaqartoq qaammatip akiliiffiusussap ulluisa 15-iat killigalugu ilinniagaqalersuusimaguni. Ilinniagaqartoq ilinniarnernup aallartinnerani ilinniagaqalernera qaammatip akiliiffiusussap ulluisa 15-iat qaangiutereersaq ilinniagaqalersuusimaguni allakkatigut qinnuteqaateqarnermigut qiortartakkani ataatsimik siuartitsivigisinnaavaa, taannalu ilutigalugu killissarititaasunit ilinniagaqarnerisuteqarfiusinnaasumiillu ilanngaatigineqassalluni. Ilinniagaqartoq ilinniagaqarnerminik aallartitsinnerminut naammassinninnerminullu atatillugu ilinniagaqartuusimanerani aalajangiinnermi naatsorsuutigineqassapput piffissat angalaffiullutillu akunniffiusarsimasut, ilitsersorneqarnermik akuerisaasunik ingerlassat ilanngullugit.

Imm. 3. Qiortartakkat qaammatikkaartumik akilernerqartarput, ilinniagaqarnerisuteqarnissamillu qinnuteqaammik qaammammi tigusiffimmit aallartinneqartarlutik, aammalu nalunaarut malillugu ilinniagaqarnerisuteqarnissamut piimasaqaatinik ilinniagaqartoq naammassinnissimassalluni. Taamaattoq meeqqanut tapiissutit erninerup nalaanit tunniunneqarsinnaalertarput, tamatumani ilinniartuq ernereerermi kingorna kingusinnerpaamik qaammatit marluk qaangiutinnginneranni meeqqamut tapiissutisiaqarnissamik qinnuteqaateqarpat.

Imm. 4. Ilinniagaqartup piffissamit ilinniagaqarunnaarfigisaanit taamaalillunilu ilinniagaqarnerisuteqarnissamik pisinnaatitaaffeerunneranit qiortartakkat tunniunneqartarunnaassapput. Piffissaq taanna qaammammi ullut 15-iisa kingornaniippat qiortartakkanik akiliisarneq qaammammi tullinnguuttumi unitsinneqassaaq. Ilinniagaqartup piffissami ilinniagaqaaqqilerfianit qiortartakkanik akiliisarneq aallarteqqinneqassaaq. Piffissaq taanna qaammammi ullut 15-iisa kingornaniippat qaammatip tullianiit qiortartakkanik akiliisoqaqqittalissaaq.

Imm. 5. Ilinniagaqartup takkutinnigitsoornerata malitsigisaanik aningaasat ilinniarnermi tunniunneqartartut qaammatikkaartut aamma meeqqanut tapisiat annertussusaannik, qiortartakkap annertussuseqataanik, annikillisaasoqarsinnaanngilaq, takujulli § 30.”

Taamaattumik inatsisitigut ilaannakortumik ilinniagaqarnersiuteqartitsinissamut tunngavissaqanngilaq, ilinniagaqarnersiutit qaammatini ilivitsuni, qaammatip tapiissutisiffiup 15-iani ilinniarnermik ingerlatsineq tunngavigalugu naatsersorneqartarmata. Ilinniagaqarnersiutit kingumoortumik tunniunneqartarput. Ileqqusorli malillugu ilinniartup sungiusarluni sulisumut qaammatip 15-iat sioqqullugu allartinnerani tamakkiisumik ilinniarnersiuteqartitsisoqartarpoq.

2 pillugu

Ilinniartut ilinniakkami ingerlaqqiffiusumi ilinniagaqartut atuarfimmikkunik sungiusarlutilluunniit suligunik tunngaviatigut ilinniarnersiuteqartinneqartarput. Tamarmilli taamaanngillat. NI2-mi ilinniartut aamma tusagassiortunngorniat ilinniarfimmiiinnermik nalaanni ilinniarnersiutinik pisarput sungiusarlutillu sulinermik nalaanni praktikkersiuteqartinneqartarlutik. Apeqqutaatinnagu ilinniagaqarnersiutaanersut imaluunniit praktikkersiutaanersut qaammammi sapaatip akunnerani ullormi kingullermi tapiissutit tunniunneqartarput.

3a1 pillugu

Soorlu apeqqt 2-mut akissummi taaneqartoq NI2-mi aamma tusagassiortunngorniarnermi taamaallaat ilinniagaqarnersiutit akissarsiallu paarlakaattarput. Kalaallit Nunaanni ilinniakkani ingerlaqqiffiusuni allani tamani, paarlakaallugu sungiusarlutik sulisarlutillu atuagarsornertalinni, ilinniarneq naallugu tunngaviatigut ilinnigaqarnersiuteqartitsisoqartarpoq. Sulisitsisoqarporli taassuma saniatigut tunniussaqaqartartunik.

3a2 pillugu

Ilinniakkat tamarmik, ilinniakkap aaqqissugaaneri ataasiakkaat aallaavigalugit assigiinngitsumik aaqqissorneqartarput.

3b pillugu

Ilinniakkat ataasiakkaat aaqqissugaaneri ilinniarnermi pilersaarutit, ilinniarfeqarfinni ataasiakkaani sanarfineqartartut malillugit suliarineqartarput. Ilinniarnermi pilersaarutit taakkua inatsisini pineqartuni najoqqutassat malillugit aaqqissorneqarlutillu akuersissutigineqartarput. Niuernermik ilinniarfinni ilinniakkani ingerlaqqiffiusuni pingaarnertut inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersumi § 26 atorneqartarpoq.

“§ 26. Inuutissarsiutinik ilinniarfinnut naleqqiullugusungiusarluni sulilluni ilinniarneq ingerlanneqassaaq, inuutissarsiutinik ilinniarfiit - qitiusumik ataatsimiititaliat aalajangersagaat naapertorlugit - sungiusarluni sulinermut pilersaarutit nalinginnaasut aalajangersagaat naapertorlugit. Qitiusumik ilinniarfinnut tunngatillugu sungiusarluni sulilluni ilinniarneq ingerlanneqassaaq, aalajangersakkat qitiusumik ilinniarfiup siulersuisuisa aalajangersagaat naapertorlugit, tak. § 36, imm. 2. Imm. 2. Sungiusarluni sulinermut pilersaarutini allassimassapput ilinniakkap anguniagai, taakkualu tunngavigalugit suliffissat suliassallu sungiusarluni sulinerup ilagisassai

allaaserineqarlutik. Sungiusarluni sulinermit pilersaarutit imaqartinneqassapput, ilinniarfimmilluni ilinniarneq sungiusarlunilu sulineq siunertamut naapertuuttumik tapertariissinnaanngorlugit. Taakku ilinniarfiup, ilinniartup suliffeqarfiullu akornanni attaveqatigiittarneq pillugu malittarisassanik imaqassapput.

Imm. 3. Sungiusarluni sulilluni ilinniarneq pillugu Naalackersuisut malittarisassanik erseqqinnerusunik aalajangersaasinnaapput.”

Taamaalilluni § 26 imm. 1-imi aalajangersarneqarpoq kikkut sungiusarluni sulinermit ilinniarnert pillugit aalajangersaanissamut piginnaatitaanersut, aalajangersakkallu taassuma immikkoortuata aappaani sungiusarluni sulinermit pilersaarutit imarisassaat aalajangerneqarlutik. Naalackersuisulli aalajangersakkap immikkoortuisa aappaat naapertorlugu sungiusarluni sulinermit ilinniarneq pillugu erseqqarinnerusunik aalajangersaasinnaapput.

§ 36. imm. 1-imi aalajangersarneqarpoq siulersuisut ilinniakkat suliamut attuumassuteqartuunerat Naalackersuisunut akisussaaffigigaat. Aalajangersakkani imm. 2-mi aamma aalajangerneqarpoq siulersuisut ilinniakkanut tamanut ilinniarnermut pilersaarutit suliaqarnissaq akisussaaffigigaat kiisalu sungiusarluni sulinermit pingaarnertigut pilersaarusiornissamut aalajangersaanissaq akisussaaffigalugu. Qitiusumik ilinniarfilli siulersuisuisa innersuussuteqarnerisigut Naalackersuisut ilinniarnermut pilersaarutit akuersisusussaapput.

”§ 36. Siulersuisut Naalackersuisunut ilinniakkat suliamut attuumassuteqartuunerat akisussaaffigigaat, tassunga ilanngullugit ilinniakkat imarisaat, ilinniakkat nutaat aallartinnissaat aamma ilinniartitsinermut attuumassuteqartutigit suliassanut atatillugu ataatsimiititaliaajunnartunik pilersitsinissaq, tak. imm. 4.

Imm. 2. Siulersuisut akisussaaffigigaat ilinniakkat ataasiakkaarlugit ilinniartitsinermut pilersaarusiornissaat, tak. § 5, imm. 2, sungiusarluni sulinermit pilersaarutit nalinginnaasunik aalajangersaanissaq, jf. § 26, imm. 1, naggat kingulleq, aamma svendinnngussalluni misilitsinnerujunnartunut tunaartarisassanik aalajangersaanissaq, tak. § 27, imm. 2, naggat kingulleq.

Imm. 3. Siulersuisut makku pillugit aalajangiisassapput:

- 1) Suliffeqarfiit sungiusarluni suliffissatut akuersissutigineri, tak. § 25, imm. 1.*
- 2) Sungiusarluni sulinermit ilinniartinneqarnerup, sungiusarluni sulilluni ilinniarnermut pilersaarutit aalajangersarneqartunut qanoq naapertuutsiginera, tak. § 26.*
- 3) Nunani allani sulisimanerup akuersissutigineri, tak. § 25, imm. 3, naggatit aappaat.*
- 4) Svendinnngussalluni misilitsinnerit ingerlanneri, tak. § 27, imm. 3, naggatit aappaat.*
- 5) Ilinniarsimasat ilinniakkamut allamut nuussinnaanerinik aamma piffissap ilinniarfiup sivikillinissaanik sivitsornissaanilluunniit aamma ilinniartut ilinniagaq suliarluunniit alla tunngavigalugu ilinniarfimminnissaminnik sungiusarlutilluunniit sulillutik ilinniarnerminnik sivikillisaanneqarsinnaanerannik akuersinerit, tak. § 11, imm. 2, naggatit aappaat, § 52, § 53, imm. 3, naggatit aappaat aamma § 54.*
- 6) Ilinniartup sungiusarlunilu suliffiup akornanni isumaqatigiinngissutit, tak. § 58, imm. 2.*

Imm. 4. Siulersuisut ataatsimik amerlanernilluunniit ilinniartitsinermut ataatsimiititaliorsinnaapput, tassunga ilanngullugit ilinniartitsinermut ataatsimiititaliaagallartartussat, ilinniakkat suliamut tunngatillugu imarisaat aamma pitsaassutsikkut killiffii aamma ilinniakkat suliffeqarfiit pisariaqartitaannut politikikkullu anguniakkanut naleqqiullugu qanoq naapertuutsiginerat pillugit siunnersuisarnissaq siunertaralugu.”

Ilisimatusarfimmi ilinniarnernut tunngatillugu Ilisimatusarfik pillugu Inatsisartut inatsisaat nr. 19, 19. november 2007-imeersumi pingaarnertigut § 14 immikkullu § 24 atorneqarput.

”§ 14. Ilinniagartuut siunnersuisoqatigiiffianik pilersitsisoqassaaq ukuninnga isumaginnittussanik:

- 1) Aningaasaliissutit agguataarnerat pillugu rektorimut oqaaseqartarlutik.
- 2) Pingaarutilinnik ilisimatusarnermi ilinniartitaanermilu kiisalu ilisimasanik paarlaasseqatigiittarnermi pilersaarutit pillugit rektorimut oqaaseqartarlutik.
- 3) Ilinniagassanik aaqqissuussinernut missingersuutit aamma ilinniakkani misileraalluni aaqqissuussinerit pillugit rektorimut oqaaseqartarlutik.
- 4) Ilinniagassanut paasisimasalinnik ataatsimiititaliorneq atorfiit ilisimatusarnermik ingerlatsiffiusut inuttalernissaannut tunngatillugu ilisimatusarnermi sulianik naliliisussanik aamma ph.d.-gradimik tunniussinissaq pillugu naliliisartussanik.
- 5) Ph.d.-gradimik tunniussinissaq.

Imm. 2. Ilinniagartuut siunnersuisoqatigiiffiat ilisimatusaatinut tunngasunut tamanut, Ilisimatusarfiup aaqqissuussaananut suliaanullu pingaaruteqartunut oqaaseqarsinnaatitaapput aamma pisussaaffigaat ilisimatusaatinut tunngasut rektorimit saqqummiunneqartut oqaluuserissallugit.

Imm. 3. Taasinermi naligiittoqartillugu siulittaasup taasina aalajangiisuussaaq.”

§ 14. imm. 1 nr. 3-mi aalajangerneqarpoq ilinniagartuut siunnersuisoqatigiiffiata ilaatigut ilinniagassanik aaqqissuussinernut siunnersuutit akuersissutigissagaat. Immikkoortortamili pisortat ataasiakkaat ilinniakkanut ataasiakkaanut ilinniartitsinermit soraarummeernissamullu pilersaarusiornissaannik, tak § 24. Imm. 2 nr. 2.

”§ 24. Immikkoortortaq ulluinnarni immikkoortortami pisortamit aqunneqassaaq. Imm. 2. Immikkoortortami pisortap suliassai tassaapput innersuussinissaq aamma siunnersuuteqarnissaq institutimi aqutsisunut institutimilu siunnersuisoqatigiinnut ukunatigut:

- 1) Ilinniagassanik aaqqissuussinernik siunnersuusiomerit.
- 2) Ilinniartitsinissanik soraarummeernissanillu pilersaarusiomerit.
- 3) Ilisimatusarnermi ingerlatitseqqinnermilu pilersaarusiomerit.
- 4) Immikkoortortap aaqqissugaananut siunnersuusiorneq, tamatumani ilinniarnernut aqutsisunik ilinniartunullu siunnersortinik toqqaaneq.
- 5) Institutip pitsanngorsaananermut pitsaassusermillu siuarsaanermut siunnersuisoqatigiinnut ilaasortassanik toqqaanissami siunnersuusiorneq.

Imm. 3. Immikkoortortami aqutsisoq institutip aqutsisuinut institutillu siunnersuisoqatigiivinut immikkoortortap suliaanut pingaaruteqartunut aamma atorfinitsitsinerni soraarsitsinernilu inassuteqartassaaq aammalu suliani tamani immikkoortortaqarfimmut pingaaruteqartuni tusarniarneqartassalluni.”

Perorsaasutut ilinniarnermi isumaginninnermi perorsaasussanik ilinniartitsineq pillugu Inatsisartut peqqussutaat nr. 2, 20. maj 1998-imeersoq atorneqarpoq.

”§ 1. Isumaginninnermi perorsaasussanik ilinniartitsinerup isumaginninnermi perorsaasunik isumaginninnermi perorsaanermik suliaqarfiusuni tamani sulisinnaanngortitsinissaq, kiisalu isumaginninnermi perorsaasut suliassaqarfiup

taassuma iluani ineriartortitsinermut uummaarissumik peqataanissaannut tunngavissaliinissaq siunertaraa.

Imm. 2. Ilinniagaqartut atuagarsormermik sulinermillu misiliisarnernik parlagaattunik ingerlatsinermikku makkuninnga pisinnaasaqalersinneqarnerisigut anguniagaq anguneqassaaq:

1) paasisimasaqarnermik, taamaalillutik perorsaannermi ajornartorsiutinik, saqqummeriaatsinik taakkulu kingunerisartagaannik erseqqissunik ataatsimut isiginnillutik paasinnissinnaalerlutik, isumaginninnermi perorsaannermi ajornartorsiutit tamakku aaqqiivigisinnaalernissaat siunertaralugu,

2) atuagarsornikkut ilisimasaqarnermik sulinikkullu pisinnaasaqalernermik, taamaalillutik ataatsimut isiginnillutik paasinnissinnaalernertik atorlugu isumaginninnermi kiisalu perorsaannermi ajornartorsiutinik pinaveersaartitsisinnaalersillugit suliarinnissinnaalersillugillu.

Imm. 3. Isumaginninnermi perorsaasussanik ilinniartitsinerup ilinniagaqarnermi tamatigoortunik avatangiiseqartitsinikkut ilinniagaqartut tapersorsorlugillu inuttut ineriartorneranni nukittorsassavai.”

§ 1. imm. 2-imi aalajangerneqarpoq ilinniarneq paarlakaattumik atuagarsornertaqarlunilu sungiusarluni sulinertaqassasoq. Aamma § 12. imm. 2-mi aalajangerneqarpoq Naalakkersuisut Perorsaannermut ilinniariup oqaaseqaateqartereernerisigut ilinniarnep aaqqissuunneqarnerata imarisassaa pillugu aalajangersagalorsinnaasoq. Naggasiullugu Naalakkersuisut, tak. § 13. imm. 1 nr. 2, ukiup atuarfiusup sivisussusaa aggulunneqarneralu pillugit erseqqarinnerusunik aalajangersaasinnaapput.

”§ 12. Ilinniagaqartunik ilinniarnermut sulianillu misiliinernut siunnersuineq Perorsaannermut Ilinniariup isumagissavaa, ilinniartitaanermilu ilinniagaqarnermik aaqqissuussineq suliarissallugu.

Imm. 2. Ilinniagaqartut Perorsaannermut Ilinniarfik oqaaseqaateqartereelugu ilinniagaqarnermik aaqqissuussinerup sunik imaqarnissaa pillugu malittarisassat Naalakkersuisut aalajangersarsinnaapput.

§ 13. Makku pillugit malittarisassat erseqqinnerusut Naalakkersuisut aalajangersinnaavaat:

1) Ilinniartitaanerup ilaasa § 11-mi taaneqartut siunertaat kiisalu imarisaat annertussusiilu.

2) Ukiup ilinniartitsiviusup sivisussusia agguataarneqarneralu.”

Taamaattumik atuarneqarsinnaasutut, apeqqutaatillugu ilinniakkat ataasiakkaat ilinniarfeqarfiillu aalajangersakkat malittarisassat, suleriaatsit assigiinngissuteqalaarsinnaapput. Tunngaviatigut ilinniarfeqarfiit namminneerlutik ilinniakkat ataasiakkaat qanoq aaqqissorneqassanersut aalajangersinnaavaat, Naalakkersuisulli oqartussaasutut qulliusutut periarfissaqarput tamanna allannortissallugu. Tamannali ulluinnarni sulinermi pineq ajungajavippoq.

Naapertuilluarnersussaaq naggasiullugu aamma taassallugu, apeqqummi assersuutigineqartumut akerlia atuummat, tassa ilinniartoq sungiusarluni qaammatip 15-iata kingorna aallartittoq imaluunniit 15-iata siornatigut naammassisoq

praktikkernersiutimi saniatigut aamma qaammammi pineqartumi tamakkiisumut
ilinniagaqarnersiutisisinnaammat.

Inussiarnersumik inuulluaqqusillunga

Nivi Olsen